

醫學實在易卷之三

閩長樂陳念祖修園箸

男元犀靈石參訂

孫男

心典微菴  
心蘭芝亭

全校字

裏症

傷寒病陽明經大渴大熱法用白虎湯爲表中  
之裏症及其傳裏譫語胸腹滿不大便爲裏中  
之裏症宜三承氣湯擇用詳於傷寒門不贅劉

河間先生用三一承氣湯代上三方。

傷寒裏症詩

表中之裏是陽明熱渴汗多白虎湯行胃實

晡潮膨譫語裏中之裏枳實黃平三承氣湯隨其見症

而用

之

心痛

心爲君主之官受邪而痛手足寒至節名眞心痛不治此云心痛乃心胞絡痛也。

胸膈痛

肺氣不調

胃脘痛

胃氣不和

兩脇痛

用胆之病

大腹痛

屬小腹痛

肝腎之病

昔人每症皆分別九種曰飲曰

食曰風曰冷曰熱曰蟲曰悸曰注曰去來悸者  
心虛而動痛也。注者邪氣着而痛也。去來者作  
止不常亦邪氣也。但注陰而去來爲陽耳。其實  
是小家伎倆不必泥也。宜以上中下兩旁部位  
分之。自心胸至胃脘爲上部。宜宣其陽氣。陽氣  
虛宜黃芪。氣實宜枳實。氣結宜貝母。瓜蒌皮。氣  
逆宜半夏。薤白。氣滯宜檀香。砂仁之類。自胃脘  
至臍爲中部。宜調其陰陽。仲景理中丸以人參

甘寒多液  
爲陰分藥

甘草

味勝於氣亦陰分藥

補陰以白朮乾薑補

陽爲萬古準。繩卽如通脈四逆湯。急於回陽。若有腹痛。必加苦寒之芍藥。以養陰。黃連湯重於清火。因有腹痛。不離辛熱之薑桂。以開陽。此理甚微。非熟於內經者。不可與語也。自臍下至陰器爲下部。宜破其陰氣。金匱名爲寒疝。今人以大爲疝。金匱則以腹中痛劇爲寒疝。所主皆附子烏頭蜀椒大熱之性。扶陽以破陰。若前痛徹後。後痛徹前。陰陽

無分界限。宜加赤石脂一二兩以堵截之。而生薑當歸羊肉湯。藉羊肉之濁氣。引入陰分。以破陰。尤其神妙也。脇肋一帶爲側部。宜利其樞轉。肝膽之氣。其行在側。小柴胡湯爲少陽之正藥。當歸四逆湯爲厥陰之正藥。或再加鮮橘葉四十九片則得矣。以上諸症。脈細而遲寒也。以薑桂附子吳茱萸之類爲主。脈大而數熱也。以金鈴子黃連沙參芍藥之類爲主。痛而利者虛也。

以附子理中湯之類爲主。痛而閉者實也。以小承氣湯之類爲主。亦有寒實而痛者。宜大黃附子湯。以溫通之。若吐蟲。則用附子理中湯。去甘草。加當歸。川椒。黃連。烏梅。若食積。則先以平胃散。加麥芽。山楂。以消導之。否則以承氣湯下之。若因怒氣而痛。則以七氣湯。加貝母。撫芎。香附。以解之。人人共知。不必贅也。又仁齋直指治脾痛。攻刺百藥罔效。用和劑抽刀散如神。此方醫



家秘不輕傳嘉慶十八年長州徐炳南梓尤氏  
金匱翼載之心腹爲陰故列於裏症

經義

舉痛論曰經脈流行不止環周不休寒氣入

經而稽遲泣而不行客於脈外則血少客於  
脈中則氣不通故卒然而痛厥病篇曰真心  
痛手足清至節心痛甚旦發夕死夕發日死  
按經文極繁此不過摘其要語

心腹諸痛詩

痛分四面定醫方。下主於陰上屬陽。介在陰陽中部位。樞行在側轉斯康。

痰飲症乃水氣上泛得陽煎熬則稠而爲痰得陰凝聚則稀而爲飲此症以脾腎爲主以水歸於腎而受制於脾也痰宜二陳湯隨寒熱虛實加減怪病老痰宜滾痰丸飲宜桂苓甘木湯真武湯二症愈後以桂附八味丸收功

經義

六元正紀大論曰少陰司天四之氣民病飲



發。又曰。太陰所至。爲積飲。痞隔。又曰。土鬱之  
發。爲飲。發注下。至真要大論曰。諸病水液澄  
澈清冷。皆屬於寒。按內經言飲而不言痰。有  
之。自仲景始。

痰飲詩

痰病却緣水。泛成滾痰丸。峻烈二陳湯。  
和。平。桂。苓。甘。朮。湯同真武。一化太陽水府之氣。一鎮少陰水藏之氣。五飲  
源流一派清。

附錄

痰飲之病源。皆水也。經云。三焦者決瀆之官。水道出焉。設三焦失職。因之聚成痰飲。變證多端。古人論痰有四。痰飲。懸飲。溢飲。支飲。詳於金匱要畧。余著有淺註。宜細辨之。然又有聚而不散者。名留飲。僻處脇下者。名癖飲。流移不定者。名流飲。沉伏於內者。名伏飲。又因酒而成癖者。名酒癖。因寒所傷者。名冷痰。因熱所傷者。名熱痰。

總由於三焦失職。氣道否澁所致。是以氣行卽水行。氣滯卽水滯。唯能宣通三焦之氣。則爲治其本而清其源矣。金匱曰。當以溫藥和之。此六字爲金針之度也。所以然者。人之氣血得溫則宣流。及結而成病。尤在涇新立七法。授時醫之捷徑。余閱江蘇顧可疇徐炳南之治案。多本於此。今姑錄之以見奇相賞。疑與析。神交在三千里外云。

一曰攻逐

古云。治痰先補脾。脾復健之常。而痰自化。然停積既甚。譬如溝渠壅滯。久則倒流逆上。汚濁臭穢。無所不有。若不決而去之。而欲澄治已壅之水。而使之清。無是理也。故須攻逐之劑。

神仙墜痰丸

控涎丹

礞石滾痰丸

十棗湯

二曰消導

凡病痰飲未盛。或雖盛而未至堅頑者。不可攻之。但宜消導而已。消者損而盡之。導者引而去之也。

青礞石丸

竹瀝丸

半夏丸

三曰和

始因虛而生痰。繼固痰而成實。補之則痰益固。攻之則正不支。惟實攻於補。庶正復而痰不滋。或寓補於攻。斯痰去而正無損。是在辨其虛實。

多寡而施之。

六君子湯

按此方宜入補方此條宜香砂六君子湯

四曰補

夫痰卽水也。其本在腎。痰卽液也。其本在脾。在腎者氣虛水泛。在脾者土虛不化。攻之則彌盛。補之則潛消。非明者不能知也。

濟生腎氣丸

桂苓甘朮湯

六君子湯

余新  
增

五曰溫



凡痰飲停凝心隔上下或痞或嘔或利久而不去。或雖去而復生者。法當溫之。蓋痰本於脾。溫則能健之。痰生於濕。溫則能行之。

沉香茯苓丸 本事神水丸

六曰清

或因熱而生痰。或因痰而生熱。交結不解。相助爲虐。昔人故言痰因火而逆上者。治火爲先也。其證咽喉乾燥。或塞。或壅。頭目昏重。或欬吐稠

粘面目赤熱。

二陳湯加黃芩連翹山梔桔梗薄荷

七曰潤

肺虛陰涸。枯燥日至。氣不化而成火。津以結而  
成痰。是不可以辛散。不可以燥奪。清之則氣自  
化。潤之則痰自消。

王節齋化痰丸

痢疾伏邪之爲病也。夏月受非時之小寒。或貪

涼而多食瓜菓。胃性喜寒。初不覺其病。久則鬱  
而爲熱。從小腸以傳大腸。大腸喜熱。又不覺其  
爲病。至於秋後。或因燥氣。或感涼風。或因飲食  
失節。引動伏邪。以致暴瀉。旋而裏急後重。膿血  
赤白。小腹疼痛。甚則爲噤口不食之危症。當知  
寒氣在胃。熱氣在腸。寒熱久伏而忽發之病。用  
芍藥湯。蕩滌大腸之伏熱。令邪氣一行。正氣自  
能上顧脾胃。如若未效。卽用理中湯以溫胃中。